

Manso

- A Manuel Lueiro Rei, in memoriam

Ben sabe a terramar de noso cando era a noite
pecha para as albas de Fisterra en alalás
que sempre cantan e pronuncian fulgor do día
fresco coma o peixe do profundo, noso amigo.

Ben saben, Manuel. E nunca medo sementou
o teu sorriso para as palabras da memoria
que agora cumpren anos.

Quero que atendas que aquel teu libro do cabalo
era o meu primeiro amor que sempre soubo a pan
de fresco e amargura: “toma e bebe sen pouso
noite e día nestas follas de papel sen trampa”

E María quixo ler por tantas sete veces
aquela anguria. E compartimos as horas máxicas
coma un merlo nos figos.

Xosé Vázquez Pintor
30 de xaneiro 2009